

Vita Iustiniani.

MORS IUSTINIANI.

Ex Cedreno & Diacono.

tribusque decem: muri Constantinopoleos, multaque templa & domus tunc conciderunt: quæ ex re mæstus imperator coronam imperialem abiecit, & absq; ea ad Natalitia & Theophania processit, & decem & nouem dierum cletoria. i. publicos accubitus & conuiuia cessare fecit, eorum expensis, egenis distributis.

Anno xxxi i. Trullus magnæ ecclesiæ (qui continuis superiorum annorum terræmotibus conciderat) iterum à Iustiniano reparatus est, & exaltatus plusquam viginti pedibus in superioribus supra ædificium quod antea fuerat, & iterum ab Eutychio est dedicatus. Sacram quoque mensam eius ecclesiæ tum ex omni materia, quam terra fert, genere conflauit, liquatisque iis quæ conflationem recipiunt, puta auro, argento, lapillis &c. ligna pretiosa, & alia sicca immisit, mira & varia operis facie: & in orbem hanc adiecit inscriptionem: Τὰ σὰ ἐν τῇ σῶν σοι προφέρουμι οἱ δέλοι οὐ χρεῖς Ἰουστινιανῆς καὶ Θεοδοῦρας. ἃ διμυλῶς προσδέξαι υἱὲ καὶ λόγε τοῦ Θεοῦ ὁ σαρκωθεὶς καὶ σαυρωθεὶς ὑπὲρ ὑμῶν, καὶ ἡμᾶς ἐν τῇ ὀρθολόξῳ σου πείσει διατήρησον καὶ τῷ πολιτείῃ ἡμῶν ἐπίδυσας εἰς τῷ ἰδίῳ σου λόγῳ ἀύξησον, καὶ φύλαξον, πρεσβείαις τῆς ἁγίας Θεοῦ καὶ ἀειπαρθένου Μαρίας.

Inchoata igitur hæc fuerunt adhuc superstitæ Theodora, quæ hoc anno nõ erat inter viuos.

Ex Cedreno.

Eodem anno Hunni, qui & Sslauini dicuntur, atque etiam nouissimè Turci appellari cœperunt (teste Diacono) Thracias infestantes, Belisario primùm misso, ac postea Iustino Curopalata, Iustiniani in imperio successore, redire ad suos sunt coacti.

Anno xxxi i i. mense Decembri, magnum fuit in vrbe Constantinop. incendium à templo S. Sophiae vsque ad Probi. Fuit & magna pestis & mortalitas in Cilicia, & Anazarbo & Antiochia magna, necnon & terræmotus, & congressi sunt inter se in ea vrbe orthodoxi cum Seuerianis, & multæ cædes perpetratæ: Fuerunt hi Seueriani seu Seueritæ, iidè postea & Aphtartodocitæ, in quorum partes inclinauisse principem supradictum est: missus tum à Iustiniano fuit eò Zimarchus comes Orientis, qui à πάντες inordinatos & rebelles, proscriberet, deportaret, membris debilitaret.

Anno xxxv. nocte intempesta magnum exortum est incendiū in vrbe Regia.

Anno xxxv i i. incendio cōflagrauit venerabilis domus Sampsonum, & quæ ante Rufi, & Meaulon magnæ Ecclesiæ Garsonastium dictum: & duo asceteria proxima templo S. Irenes cum eius Narthecis parte.

Anno xxxv i i. moritur Belizarius Patritius Byzantij.

Anno tandem imperij sui xxxv i i. reuouato iam Dogmate de corruptibili & incorruptibili Christi corpore, per edictū ubique locorum (à pietate alienum propositum, Deo præoccupante, defunctus est, & sepultus ex more imperatorū in magnifico monumento quod ipse lapide Sardio in templo sanctorum Apostolorum construxerat, ad dextram ingredienti partem. Id templum à Theodora Augusta fuisse instauratum diximus. Aiunt moriturum Iustinianum testamento mandasse reuocationem ab exilio, & restitutionem in integrum sancti Eutychij Patriarchæ Constantinopolitani, quem idcirco exulatum miserat, quodd eius caeoes hæreseos amplecti noller, sicut olim Constantinus restitutionem sancti Athanasij testamēto mandauerat. Imperauit Iustinianus annis xxxv i i. mensibus septem, diebus x i i i. succedente ei Iustino Curopalate.

Nicephor. lib. 17. c. 33.

Composuit Iustinianus in Christi honorem elegantissimum hymnum, qui hodièque à Græcis, & in sacra synaxi & missa, & mesorio quoque horæ sextæ palam in ecclesia canitur, extatque in eorum Horologio, & Liturgico libro. Græcè & Latine his verbis:

TROPARIUM.

Ο μονογενὴς υἱὸς καὶ λόγος τοῦ Θεοῦ ἀθάνατος ὑπάρχων, καὶ καταδεξάμενος διὰ τῷ ἡμετέρῳ σωτηρίῳ (σρκωθῆναι, ἐν τῇς ἁγίας Θεοῦ καὶ ἀειπαρθένου ΜΑΡΙΑΣ, ἀβέπῳς ἐνανθρώπησας, σαυρωθεὶς τε χρεῖς ὁ Θεὸς θανάτῳ θάνατον πατήσας, εἰς ὧν τῇς ἁγίας ἰάδους, σωδοξαζόμενος τῷ πατρὶ καὶ τῷ ἁγίῳ πνύματι, σῶσον ἡμᾶς.

Ex Horologio Græcorum.

LATINE SIC LEGITVR IN SACRA

Græcorum missa olim per Leonem Tuscum edita.

Vnigenitus filius & Verbum Dei cū sis immortalis, dignatus es propter nostram salutem carnem sumere de sancta Dei genitrice semper Virgine Maria inconuertibiliter factus homo, qui crucem subisti Christe Deus, morte conculcans mortem, vnus existens sanctæ Trinitatis conglorificatus patri & spiritui sancto, saluos nos fac.

Explicita est Imperatoris Iustiniani Legislatoris nostri vita.

FELICITER.

Θεῷ δόξα.